

BIBL. NAZIONALE
CENTRALE-FIRENZE

606

21

606. 21

RIME

IN

SICILIANO DIALETTO

DELLO SCULTORE

NUNZIO MORELLO



PALERMO

STABILIMENTO TIPOGRAFICO LAO
via Celso, n. 3f.

1873.



RIME

IN

SICILIANO DIALETTO

DELLO SCULTORE

NUNZIO MORELLO



PALERMO

STABILIMENTO TIPOGRAFICO LAO

Via Celso, 31.

1873.

AL VALENTUOMO
IN LETTERE GRECHE ED ITALICA POESIA
NON CHE PROFONDO ARCHEOLOGO
GIUSEPPE DE SPUCHES
PRINCIPE DI GALATI

Signore Nobilissimo

*Pubblico queste poesie siciliane
perchè l'animo me ne pose la S. V.
allorchè mi argomentai audacemente a
recitarlene qualche brano. Dispi fra me
e me: non son poeta; ma di Galati
la bell'anima, educata alle lodevolissime
ispirazioni dell'Italiana Musa, del tutto
non le credette indegne di stampa, co-*

munque non per superbia o bramosie
di nominanza, ma per passatempo
da me composte.

Accetti impertanto ch'io mi rati-
fichi

Palermo, Aprile 1873

Di V. Eccellenza

Ossequente e devoto servo
NUNZIO MORELLO.

UNA CAUSA MPARNASSU

OTTAVI

Numi chi la tua immenza luminaria,
Cumparti eguali e sprucchi ogni materia;
Tuttu a l'oppostu di la sorti laria
Chi a cui duna ricchizzi e a cui miseria:
Dunami un raggio di dda Musa varia
Chi dasti a Meli ntra la za Sciaveria,
Pi quantu m'accumpagna in tonu bassu
Un sonnu chi passavi ntra Parnassu.

Mentri curria la Luna in dominò,
Jucannu ntra li nuvoli a buè;
Lu sonnu stravacanti mi purtò
Mparnassu, stracanciatu da stestè.
Vitti arrivannu sutta d'un bersò
Baffi, pilucchi, bucculi e tuppè
Ncurunati d'addauru e murtidda
Cu libbri e carti sutta di la scidda.

Nmenzu la fudda di sti saccintuna,
Ntisi la vuci d'un certu prefatu,
Chi flebili cantava la canzuna
Di Pulimuni affrittu e scunzulatu:
In ogni strofa, ddi gran piluccuna
Battevanu li manu, e a tuttu ciatu
Gridavanu dicennu, pi ducizza
Stu Meli è meli, e nun ni cari stizza.

Li stissi Musi vitti ammaluccuti
 Sutta lu virdi addaura nfrascati,
 Li Ninfi ntra li margi addurmisciuti;
 Da stu lamentu foru arrispigghiati.
 L'acqua, la terra, l'arvuli, li bruti,
 Li vausi, li grutti e li vaddati
 Si stavanu in silenziu profunnu
 Sintennu l'amarizzi di stu munnu.

Mentri m'arrampicava pi ddi vausi
 Cchiu disastrusi di li scogghi Eleusi,
 Vitti una Ninfa cu li pedi scausi
 Nto n'arvulicchiu chi cuggheva ceusi;
 Truvannusi di sutta senza causi
 Ci addivintaru li masciddi meusi
 Pi lu puduri, e misa a cuncumeddu
 Scuppau comu na pispisa a zimmeddu.

Vidennumi d'armali la frazzata,
 Sta sarvaggiola stuzzica pitittu,
 Si susi e comu cerva assicutata
 Sfiletta, e si nfrascau nmenzu un vuschittu,
 Currivu l'assicutu, e all'impensata
 Ci assummu nfacci nton violu strittu,
 Sbuccannu un vadduneddu all'improvisu
 La persi d'occhiu, e vitti un paradisu.

Vitti l'immenza Reggia illuminata
 Da lu splenduri di l'eccelsu Numi;
 L'arcu balenu chiudia la facciata
 Di st'edifiziu fonti d'ogni lumi,
 Ogni angulu una moli stinnicchiata,
 Di marmu Grecu figurava un ciumi,
 Li quali acqui trasparenti e chiari
 La terra tutta javanu allagari.

Supra lu curniciuni, si nun sgarru,
 Guidava Apollu risplendenti e sgherru,
 Quattru cavaddi senza malu barru
 Chi vannu a rogiu, esenti d'ogni ferru.
 Dudici Ninfi attornu lu so carru,
 Manu manuzzi linni e senza cerru
 Giravanu abballannu, e scapiddata
 L'Aurora ci facia da battistrata.

Letture nun ti dicu la scultura
 Di stu soggiornu eterna primavera,
 Mpustati ntra li nnicchi mura mura
 L'operi grechi stavanu a filera.
 Apollu chi agguantava na figura
 Supra d'un pedistallu ancora c'era,
 Ed idda si turcia pi lu gran cavuru
 Comu ancidda a lu spitu ntra l'addauru.

Nota, si ntra l'addauru nfrascata,
 A Dafni lu strumentu ci piacìa,
 Nun ci nnè nenti ca fu trasfurmata
 Comu nni cunta la Mitologia;
 Chiuttostu cu stu Numi fu trovata
 Ncastagna, e da l'argiva fantasia,
 Si scrissi, essennu figghia di rignanti,
 C'addauru addivintau, tiramu avanti.

All'umbra vitti un'immenza funtana
 Chiusa di querci, platani e macchiuna,
 Unni osservavi lu scinni ed acchiana
 Di Ninfi e Cigni nmenu l'unna bruna;
 Cui tuffa cu l'armali e s'impantana
 Sutta li troffi acquatici e ruccuna,
 Cu sgridda comu ancidda assicutata
 Da dd'armaluzzu, chi l'avìa acciurrata.

Una di chisti, la cchiu capricciusa,
 Pigghiannumi pi sceccu in carni ed ossa,
 Nisciu di l'acqua, e nuda l'affruntusa
 Mi fu di supra e cavarcau a la sdossa
 Strincennusi a lu coddu la scantusa
 Pi un gniri nterra, ntisi una gran scossa,
 Chi mentri m'offuscava la ragiuni,
 Di sceccu addivintavi parpagghiuni.

Vidennumi l'aluzzi mpicccicati,
 Cumprisi d'Aganippa l'elementu :
 La Ninfa cu li naticchi vagnati
 Mi fu di supra ed eccu lu portentù,
 Basta, da parpagghiuni e non da Vati,
 Mi misi a sbulazzari e nt'on mumentu,
 Acchianu ncurti e trasu ntra ddi sferi,
 Unni nun trasi sceccu a quattro peri.

Mentri vulava sutta un culunnatu
 Arriva lu Sicanu dialettu
 Sburdutu affrittu e tuttu stravisatu
 Pi reclamari contra d'un suggettu.
 Subitu fu ad Apollu prisintatu
 Dintra lu so privatu gabinettu,
 E prontu lu linguaggu di stu solu
 Misi a cantari comu un rusignolu.

Dicennucci Signuri un beddu spicchiu,
 Facei d'ammursiddatu varvalacchiu,
 Di fari versi e misu ncacaticchiu
 Supra li babbaluci a picchi-pacchiu,
 Stampau lu tradimentu e lu virticchiu,
 Chi ci pigghiau pirdennu un pappannacchiu,
 D'Emiliu lu decottu aperitivo
 Scriviri vosi e scrissi un vomitivo.

Stu Vati di vardedda e varvazzali,
 Fici la signa a lu gran Vanni Meli,
 Scrissi una vastasata senza sali
 Dura, stintata, amara comu un feli;
 Si un cunnannati a st'allustra stivali,
 Vi juru pi lu figghiu di Semeli,
 Chi la sicana Musa cunsumata
 Vadduna l'anchi certu a la balata.

Da stu ricursu lu Numi sdignatu
 Ordina la cattura e si v'ammuccia,
 Già lu Parnassu tuttu ngramagghiatu
 Sutta li fitti tenebri s'agguccia,
 Già gridanu li venti, e un nuvulatu
 Comu la pici nivuru neucuccia,
 Lu stissu tempu manticia li naschi
 Cu lampi e trona, e scarrica burraschi.

A l'ordini d'arrestu la sbirragghia
 Sduna a carrera comu un carrittigghiu,
 Cerca Petru Fudduni ogni ammucciagghia
 Comu un firettu appressu lu cunigghiu;
 Nun cura si la nivi lu mitragghia
 Capita a lu mischinu, e ntra l'artigghiu
 Si l'assicura, e da sbirru birbuni
 Lu va cunsigna ntra lu cascittuni.

Chianciti vacchi scunsulati e tauri,
 Arripitati pecuri ed agneddi;
 Spriu lu Dulcamara di li Fauri,
 Spassu di li crastuna e attuppatetti.
 Fu catturatu cui curria a li ciauri
 Di pranzi, tavuliddi e fistineddi,
 Pi elettrizzari cu la sua gran vuci
 Li muschi, li farfalli e babbaluci.

Apollu ritiratu a porti chiusi
 Chi vidi e tocca comu San Tumasi,
 Nun vosi cunnannari ad occhi chiusi
 L'auturi d'una sciarra di vastasi.
 Ad onta di li versi schifiusi
 Tirati cu li denti e senza frasi,
 Chiamau lu tribunali competenti
 Pi esaminarni li cumpunimenti.

Sduna ntra ventu ed acqua l'ordinanza,
 Comu vola na scorcchia di simenza;
 Già radunati ntra la megghiu stanza
 Stannu li Magistrati d'Eccellenza.
 Na statua chi agguantava una valanza,
 Severa nfacci cu na spata allenza,
 Cu la fama suspisa supra l'ali
 Stava assittata ntra stu Tribunali.

Sutta li peri tinia ncatinati
 Lu vili ntressu e lu riguardu umanu,
 Spissu moventi di ddi Magistrati
 Chi mpastanu Evangelu ed Alcoranu.
 Già vennu a sbardu li sublimi Vati
 Comu li coddì viridi a lu pantanu,
 Chiddi chi suppartaru cu prudenza
 Fami ed esiliu da la prepotenza.

Vitti di fronti all'estru Surrintinu
 Chi libirau di Cristu lu tabutu;
 Vitti a l'auturi di ddu Paladinu
 Chi campò pazzu eppoi muriu curnutu;
 Vitti a ddù trunfu d'ingegnu divinu
 Chi senza passaportu iu nni Plutu,
 E a lu cunsuntu pi Madonna Laura
 L'avianu nmenu dannuci la caura.

Letturi la fraganza di st'addauru
 Si cogghi cu li naschi e si ncartedda,
 Poi nun ti dicu di l'immenzu ciauuru
 Chi chiu spicava da qualchi faredda.
 Vitti a dda Greca chi pi troppu cauru
 S'allavancau d'un munti puvireda,
 La nostra Nina e Ciullu l'Arcamisi
 Davanu vrazzu a l'ottima Turrisi.

Già nesci la Gran Curti e Vanni Meli
 Pigghiau lu postu prisidenziali,
 Dannu la dritta pi rispettu a Gueli,
 Un postu appressu doppu di Vitali;
 Calvinu, Scimunelli e Dimicheli
 Stavanu a manu manca, e Dipasquali,
 Figghiu di Baccu sempri a quattru peri,
 Stava a la cuda comu Cancilleri.

Lu trapanisi gran pueta grassu,
 Strujutu aveva tuttu lu processu,
 Già veni l'arristatu e lu Parnassu,
 tuttu in bisbighiu ci curria d'appressu.
 Danti, Petrarca, l'Ariosto e Tassu,
 Judici incompetenti a stu consessu,
 Pighiaru postu sutta l'Emisferu
 D'Anacreonti, Pindaru ed Omeru.

Già ntra lu scannu di lu riu misfattu,
 Sta l'imputatu nmenzu dui turciuna,
 Comu un surciddu mmucca di lu gattu,
 La testa ntra lu pettu s'abbannuna;
 Vidennulu mischinu scuntrafattu,
 Ntra ddu saluni nun ci fu pirsuna
 Chi un si commossi, e nmenzu un ciarmuliu
 La sala all'udienza si grapiu.

Comu ciumara chi strarripa, sbucca
 Un nuvulu di genti ntra la sala,
 Cui perdi lu cappeddu o la pilucca,
 Cu lassa li tappini scala scala.
 Chinu lu Tribunali nfina mmucca:
 Stipati a ncarca e metti cu la pala
 Stannu li genti cu l'oricchi a lenza,
 Pi sentiri l'arringu e la sentenza.

Tuttu è silenziu, e tutti a ddu scaluni
 Stannu li sguardi afflitti concentrati;
 Sulu si senti un rusticu lapuni
 Chi truzza e sbatti ntra li vitriati.
 Lu relaturi avennu a munzidduni
 Li ncàrtamenti pronti e rassettati,
 Vidennu la Gran Curti misa allenza,
 S'inchina a tutti e sbrogghia l'eloquenza.

Dicennu, prisidenti e magistrati,
 Splenduri di Sicilia e d'Elicona,
 Lu mio linguaggiu rusticu scusati
 Si ntra li vostri timpani nun sona.
 La liggi sagrosanta di li Vati,
 L'offisa fatta all'ottimu Trigona,
 Reclamanu giustizia cu ragioni
 Contra d'uu civu e tappu di minchiuni.

Primu pirchi la Musa fu spugghjata
 Di frasi, di cuncetti, sali e gustu,
 E nuda la mischina fu frustata
 Senza cammisa da stu beddu fustu,
 Secunnu, sta pudica svergognata.
 Dedicarla a Trigona nun fu giustu,
 Comu ad un signuruni di gran preggi
 Ci dedica sta tarpa li scorreggi.

Costa chi lu Sicanu dialettu
 Fu sempri argutu cuncisu e picanti,
 Tantu, chi misu mmucca d'un suggettu
 Truzzau cu qualchi Grecu di Livanti.
 Costa chi fu stampatu stu librettu
 Da l'imputatu chi vi sta davanti.
 Chi cu mudestia, misi, e cu giudiziu
 Lu so ritratu ntra lu fruntispiziu.

Vistu lu nostru codici pinali
 Vulumi terzu articulu vintunu,
 Dichiara sceccu e prusuntusu armali
 A cui fa versi a stomacu dijunu.
 Pi lu ritratu di st'originali,
 Dignu di stari unni Guli o nni Brunu,
 Voli lu codici Giustinianu
 La pena inflitta ntra lu deretanu.

Conchiudu; sia frustatu pi ogni scola
 Di lu Parnassu, cu la scupa nmanu;
 Doppu chi ghissi a cogghiri citrola
 Ntra l'ortu d'un cunventu Gancitanu
 Scacciata chi ci avrà la canigghiola
 L'ottimu reverennu guardianu,
 Ci dassi lu diploma di firrati
 Supra d'un sceccu a causi sbracati.

A sta chiusura un gridu si diffusi
 Pi la gran sala, e morti di li risi
 Scappavano li genti a gammi chiusi,
 Comu cunigghia nmenzu junchi e ddisi.
 Euterpe, Eratu virgini affruntusi,
 Di sutta si vagnarli li cammisi,
 Lu vecchiu Omeru, ed anchi Anacreonti
 Curreru a spinucciari sutta un ponti.

Parentesi, mi dici un sagristanu,
 Comu lu Toscu, lu Grecu e Latinu
 Caperu lu linguaggu sicilianu
 Ntra dda vacca ngrasciata di Calvinu;
 Io ci rispunnu, l'intellettuumanu
 Niscennu di la scorcia è già divinu,
 Lu tuttu ha penetratu, e si vuliti
 Vi nserta puru quantu mbrogghi aviti.

Spissu pi stu purtentu incomprendibili,
 L'omu si perdi, o curri all'incurabili;
 La carni si disfà, ma incorruttibili
 Resta la megghiu parti invulnerabili;
 Lu vermi di la sita è lu visibili
 Cunfruntu all'esistenza interminabili,
 Si nchiui stu virmuzzu ntra na palla,
 Mori, marcisci, e scuva da farfalla.

Tiramu avanti, jamu a lu rumuri
 Di tutta dda gran carica luminari,
 Chi appena si susiu lu difenzuri
 Comu un pirnici prontu ad arringari,
 Subitu lu silenziu cu riguri
 Li vucchi a tutti misi a siggillari,
 Si qualchi vecchju suffria di filatu,
 Sdava pi sutta, ed era pirdunatu.

Già dda matrona chi scinniu di l'auto,
 P'aggiustari la razza scuncirtata,
 L'oricchi affila comu putra nsautu
 Spincennu la valanza equilibrata.
 Ciciu Muleti riverenti e cautu
 Nchinatusi a la Curti' intemerata,
 Pusannu lu so addauru a na gnuni
 Misi a cantari comu un Ciciruni.

Dicennu, Magistrati, l'innuocenza
 Oggi si affida a la vostra valanza,
 Trimati a cunfirmari na sentenza
 Chi pisa e grava supra l'ignoranza.
 Si un Numi onnipotenti nni dispenza
 Lu sennu e l'estru, ed anchi la sustanza,
 Chi curpa ci appi stu sceccu gnuranti
 Si scrissi quattru versi stravacanti?

Oggi da lu prugressu illuminati,
 Lu Relaturi, si mi permettiti,
 Mi parra ancora di frusta e firrati,
 Barbara usanza di li Gesuiti,
 Oggi a li scoli sunnu premiati
 Li pudditreddi ch'hannu cchiù murriti,
 Criscinu a mmuzzu e poi fatti citrola,
 Vennu cchiù torti di la stissa scola.

Ma no! chi la gran Curti stamatina
 Farrà giustizia, e nni sugnu cunvintu,
 Oggi chi ccè la stampa libertina
 Tuttu è permissu dintra un laberintu,
 Si vonnu stu sumaru a la berlina
 Pi aviri scrittu versi senza istintu,
 Vi provu chi li scecchi in ogni etati,
 Sacra o profana, foru rispittati.

Ntra li scritturi di l'antica età
 Si leggi chi lu sceccu profetò,
 Quali stupuri a st'epoca vi fa
 Si un sceccu fici versi e li stampò,
 Lu fattu è chiaru e dubbio nun va
 Chi ntra l'Arca Noè lu conservò,
 Giacchl ntra li camini disastrusi
 St'armali ci camina ad occhi chiusi.

Lu sceccu fu d'Omeru assimigghiatu,
 Pi la firmizza, a lu superbu Achilli;
 Fu a Priapu ed a Baccu dedicatu
 Da li pagani populi e Sibilli.
 Da Trittolemu stissu fu onoratu
 Purtannu lu furmentu ntra li villi;
 Nsumma st'armali razza d'Eccellenza,
 Nun merita soffriri na sintenza.

Lu sceccu all'armalisca gioventù
 Duna la scola e spiegù lu pirchi,
 Nmenzu burraschi e trona a frustustù
 Camina sempri supra un trittari;
 Servi a lu fumaloru e a lu monzù,
 Obberienti arrena e un dici tri,
 Pirchi ha pruvutu chi quannu agghiurisca
 La brocca o lu frustino l'arrifrisca.

Ma nun pertantu negu quantu ha dittu
 L'ottimu Magistratu relaturi,
 Sustegnu chi la fami e lu pitittu
 Anchi li saggi porta ntra l'erruri;
 Chi maravigghia si st'armali affrittu
 Da lu s'orgogliu si finciu ddutturi,
 O quantu di st'armali nni trovati
 Misi a la testa ed anchi in dignitati.

Si st'armaluzzu offisi lu Parnassu,
 L'intelligenza ci detti riparu,
 Purtannu li so versi sempri a spassu
 Nmenzu la Ucciria nni l'anciuvaru,
 Pi cchiu decoru lu joviri grassu
 Li vitti mmanu ad un fruariddaru
 Pi fari tricchi-tracchi a li picciotti
 Chi sparanu 'Mpalermu tutta annotti.

Giacchi la frusta l'appi stu misseri;
 Jamu a l'affari di li vastunati,
 Cu spinci un sceccu ncod-lu pri dui peri
 Pi darici un cavaddu di firrati?
 Si mentri abbusca sbrogghia lu ncinzeri,
 Si viri un casu stranu Magistrati;
 Di restu va trovati ntra sta fudda
 Cui lu pigghia a cavaddu e cui cafudda.

Conchiudu, Magistrati, fu imprudenza
 Lu cunvucari la vostra valanza,
 Si dati a st'armaluzzu una sentenza,
 Ci dati onuri a la sua pitulanza.
 Si meritu nun cè nè cumpitenza,
 Datilu mmanu a la diminticanza,
 Idda lu tuffa ntra la ria lacuna
 Di la gnuranza nfanfara e minchiuna.

Finuta la difisa, ntabbaccata
 Passau la Curti in sala di Cunsigghiu,
 Ognunu ch'avìa persu la jurnata
 Si la sbignava a cursa pi lu Scigghiu;
 Mentr'io vulava, na gran kannunata
 Tiraru a lu bersagghiu e m'arrispigghiu
 Di stu gran sonnu, e nmenzu vacchi e tauri
 Mi trovu a lu graduni di li Fauri.

LU JORNU

Mentri dormi la Natura
Ntra li tenebri aggucciata,
Sfarda l'alba la frazzata
Di la notti, e gghiornu fa.

Di lu Numi indoraturi
Spunta già la battistrata,
Comu rosa sbuttunata
Nvirmigghiannu chiù si va.

Già s'affaccia risplinnenti,
La nfucata maravigghia,
Nesci, e guida dda quatrigghia
Chi a Fetonti sdirrubbò.

Cu li ciampi inalberata,
Focu sbruffa pi li naschi,
Negghi, turbini, e burraschi
Galuppannu discacciò.

Fannu rota a st'equipaggiu,
Tanti Ninfi nnuccarati,
Biunni bacchiari e sciacquati
Di sta vampa appressu su.

Comu tanti farfalleddi,
 Firriannucci d'intornu,
 L'uri marcanu e ddu jornu
 Chi pri l'omu un torna chiù.

Pi la strata di li trona
 Lu so raggiu s'incamina,
 Nmenu l'erva e l'acquazzina
 Scinni ancora pri umiltà.

La natura arrispigghiata
 Renni omaggiu a stu Signuri,
 Nun ccè pianta nun ccè ciuri
 Chi profumu nun cci dà.

Pri ncinsari a stu Munarca
 Anchi l'umili ruggiata
 La facciuzza abbrillantata
 Sciogghi in fumu e un pari cchiù.

Anchi nmenu a li sdirrubbi
 D'amintastru e nipitedda,
 La fragranza la ncartedda
 Naschi naschi stu monzù.

Da stu Numi assicurati
 Su li mandri e l'armaluzzi,
 Vacchi, pecuri e agnidduzzi
 Si nni vannu a la ddi ddi.

Lu pasturi a longa manu
 L'accumpagna e l'amminazza,
 Carricannusi li vrazza
 Di crapetti e gnignali.

Pi stu raggin la pinnami
 Cuva e scuva tutti l'uri,
 Pi sta vampa existi amuri,
 Senza focu amuri un cce.

Da stu focu neuraggiatu
 Ddu fraschetta di Ciprigna,
 Sciuscia, sbampa e senza ligna
 Brucia ed ardi a cui è gghiè.

Pitulanti acchiana e trasi
 Ntra l'Olimpu e in ogni tettu
 Senza frenu nè rispettu
 Di potenza o dignità.

Comu nfoca st'elementu
 Ogni Ninfa si sgattigghia,
 Lu mantuzzu e la fadigghia
 Lassa e sciala a libertà.

Comu l'anatri a lu margiu
 Su tuffati a la funtana,
 Cui si sguazza e si nn'acchiana,
 Cu sammuzza e un pari cchiu.

Cui si jetta accuncumeddu,
 Cu sfiletta comu ancidda,
 Cui si strica li pumidda,
 Oh chi zuccaru chi su.

St'innucenza sarvaggiola
 Smovi l'astru a dari frutti
 D'ogni sorti e duci tutti
 Prilibbati in ogni età.

Ginirusu sempri è statu
 Cu sta terra invidiata.
 Mentri all'autri na nzalata
 Duna a stentu in carità.

S'è l'aranciu lu fa duci,
 La racina l'abbiunnia,
 Dd'amarena chi talia
 La ncileppa cchiù di cchiù.*

Di lu frascinu l'amaru
 Nzuccaratu nn'allammica
 Puma e persichi arrussica,
 Si li guarda a tu pri tu.

Vesti d'oru lu zibbibbu,
 Di rubbini lu granatu,
 Lu tribbotu e lu muscatu
 Li travesti in dominò.

Ogni ficu affruntusedda
 Da stu numi nzallanuta
 Meli scula, e ammaluccuta
 La cammisa si sfardò.

Di li fraguli e cirasi,
 Pruna e pira muscareddi,
 Ntra panara e ntra carteddi
 Ni nni duna in quantitá.

Nni vuliti prova megghiu
 Si sta terra è na ducizza,
 Ogni lapa chi s'appizza
 Ntra li ciuri meli fa.

Si li stissi vastunachi
 Da li donni assicutati,
 Quannu vannu a Sant'Agati,
 Ponnu stari unni Guli.

Puntu basta, ed jiu conchiudu,
 Si stu focu animaturi
 Nun è l'occhiu creaturi
 So' Ministru, è certu, si.

Cu sta moli risplendenti
 La caligini sfrattava,
 Quannu l'acqui separava
 Da lu fangu e li stagnò.

L'ammassatu sedimentu
 Cu sti raggi 'nivirdicava,
 Cu sta luci mudillava
 L'omu in crita chi animò.

Da sta fraggili sustanza
 Scaturiu la seducenti
 Chi lu pumu a nui viventi
 Tramannau pri eredità.

Pi stu fallu prevedutu,
 Nni lassau la Pruvidenza,
 Sta furnaci di clemenza
 Ch'ogni gghiornu veni e va.

VITA DI L'AUTURI

Numi chi sfratti lu timuri panicu
D'un cori, e infunni lu to raggiu tonicu,
Scusa si na citarra senza manicu
Sona la nvidia d'un birbuni cronicu.
Si cantu e stonu pri difettu organicu,
Dammi la vuci di dd'armali armonicu,
Chi canta ntra lu misi majulinu,
Sbrugghiannu l'arcu di lu violinu.

Lettori a sta dumanna rispittusa,
D'Apollu un telegramma già m'avvisa
Sarpari pri Elicona a la rinfusa,
Senza badari ad equipaggiu e spisa.
Io già mi inmarcu, e pronta la mia Musa,
Nuda la virità senza cammisa
Ti la prisenta, e mentri ch'jiu cci pensu
Di la mia vita artistica accumenzu.

Ntra marzu chi la nivi è a lu vadduni,
E sutta l'acqua stannu li giurani,
Mi sdivacau Natura ntra na gnuni
China di pagghia, chi stintava un pani.
Nfasciatu strittu comu un sosizzuni,
Fui registratu ntra li cristiani,
E li valori chi facianu straggi
Sbucciato appena l'appi pri carnaggi.

Comu un citrolu nmenzu la nuara,
 Sprucchia ed allonga quannu s'abbivira,
 lu ncitrulava ntra sta vita amara
 Chi a grossi e nichì duna sempri pira.
 Juntu all'età chi lu disiu a ciumara
 Scinni ntra 'n cori, e pi lu sessu tira,
 M'incatramava una bedda signura
 Chi da li Greci si chiamau Scultura.

Comu un nutricu abbrazza la nurrizza,
 La spurpa e ci sdivacà la visazza,
 Misi addattari supra sta biddizza
 Sempri adurata da qualunchi razza;
 Sta donna mi livau la liggirizza
 Di declamari, e fari la birbazza,
 Scippannumi lu flautu di mmanu,
 Mi dava fumu senza mai un nguranu.

Sfasulatizzu e sempri d'un culuri,
 Smammatu appena vosi sbulazzari,
 Me matri mi succursi, ed un pasturi
 Supra un pitruni misi a modellari.
 La mmiria, la discordia e lu livuri
 Stu pastureddu fici arrispigghiari,
 Dicennu a tutti; stu fatali pumu
 Scannau ad Achilli, e Troia misi in fumu.

Mentri stu marmu stava pri acchianari,
 Pr'essiri espostu a l'Università,
 La nvidia in lu fici sdirrubbari
 Tagghiannucci li cordi attirantati;
 Ma lu pasturi avvezzu ad affruntari
 Timpesti d'ogni sorti e nivarrati,
 Fici lu tostu e da veru Trojanu
 Satau di nterra invulneratu e sanu.

Quannu di l'Asia la sarvaggia mula
 Facia di stu Palermu na carnala,
 Chi ancora quasi lu carcami scula
 Di morti accatastati cu la pala,
 Detti stu marmu e la mia patria sula
 Pi menti e cori, in tutta la stivala,
 Dedicannu dui busti cu valanza
 A l'incliti Fardella e Petru Lanza.

Sti dui magnati veru patriu ncenzu,
 Senza scantazzu di la propria peddi,
 Dintra la straggi si virianu nmenzu
 Dannu succursu a tanti puvireddi.
 Letturi, senza chianciri un ci penzu,
 Li morti ammunziddati comu agneddi
 Ntra li carretti, foru trasportati
 E addivintaru cinniri abbruciati.

Basta vidennu Giovi collocatu
 Ntra l'Ortu so lu pastureddu astutu
 Mi vosi ad onta chi m'avìa spusatu,
 Dintra la terra di Tarquiniu e Brutu.
 Currivi allura, e appena scarruzzatu
 Vitti lu stissu Suli ammaluccutu,
 Chi contemplava cu lu so splenduri
 L'immenza moli di lu Piscaturi.

Immensa tantu chi susteni e agguanta
 L'eterni chiavi di lu firmamentu;
 L'orbi credenti forma la sua pianta,
 L'astru sublimi e' la sua torcia abbentu,
 Di lu Giurdanu l'acqua sacrosanta
 Surgi e tramanna stu gran monumentu
 La quali testa, cu la cruci mpunta
 Si jisa tantu chi li stiddi affrunta.

Comu un picciottu nmenzu d'una fera
 Lu tuttu guarda e tuttu lu nnamura,
 Jiu firriava la quirina sfera,
 Ncantannumi davanti la Scultura;
 Nmenzu li strati in ogni cantunera,
 Truvava oggetti d'arti mura mura,
 Nun dicu li colossi principali,
 Ntra fonti e chiazzi e ntra lu Quirinali.

Vitti scinnennu lu foru Traianu,
 Li monumenti di campu vaccinu,
 L'archi di Titu, di Settimiu e Gianu
 Mi parsiru camei fatti a burinu;
 Vitti di Foca la culonna, e sanu
 Lu capiteddu di ntagghiu divinu,
 A Marcu Aureliu vitti ntra ddu scogghiu
 Chi dava liggi a un munnu in Campidogghiu.

Dintra 'n anfiteatru miscredenti,
 Spittaculu di l'arti e di misfattu,
 M'arripusavi stancu, e attentamenti
 Guardava la gran moli stupefattu;
 Nè vacca nè viteddu cchiu si senti,
 Lu Suli cummigghiau lu so ritratu,
 Sutta l'immensi arcati tinibbrusi
 Stava la notti ntronu ad occhi chiusi.

Squallida luna menza annuvulata
 Facia lucerna a sta gran sepultura
 Tutta di sangu martiri allagata
 Da li tiranni Cesari d'allura;
 Sutta l'enormi e vasta scalinata
 Chi gira attornu attornu di gran mura,
 Vitti li tani di l'armali bruti
 Chi pri la fami davanu saluti.

Di quannu in quannu un flebili lamentu
 Niscia da li ruvetti tinibbrusi,
 Arradicati ntra ddu monumentu
 Nidu di corvi e nigghi spavintusi;
 Dda stissu li tiranni a lu turmentu
 Unni liuna e tigri avianu nchiusi,
 Li vitti, e stramazzanu a lu scuru
 Li testi cu l'addauru a lu muru.

Lassu stu locu, e appressu un lampiuni
 Accupagnatu da dui sagristani
 Scinnivi sutta terra ntr'on gruttuni
 Scavatu da li primi Cristiani;
 Comu cunigghia misi a grancicuni
 Stavanu li fidili ntra ddi tani,
 Pi scanzari l'infami tirannia
 Chi sempri ha dominatu e si stravia.

Vitti acchianannu ntra lu Vaticanu
 Un populu di marmu bizantina,
 Aggramignatu cu profana manu
 Di la vittoria bruta di Quirinu;
 L'arti sublimi e l'estru supraumanu
 Stavanu ntronu sutta un bardacchinu
 Dintra stu tarbinaculu di l'arti....
 Basta lettori ca la varca parti.

Scusati amici, mi puntau lu roggju
 L'anticu trunfu d'ogni trenta maggiu,
 Lu so Ministru senza tantu sfoggiu
 M'anticipau li spisi di viaggiu;
 Io vi salutu e pri la Patria appoggiu
 Cu dui carmuci, e lu miu cumpanaggiu
 Cusutu a bordu a la mia manu manca
 Pigghiari nun mi fici un purci all'anca.

Juntu di Ripagranni a Fiumicinu
 Lu Teveri a Nettunu mi cunsigna
 Comu si fussi statu un'assassinu
 Cunnannatu ngalera, o a li tri ligna;
 Giustu ntra stu momentu un gran fistinu
 Nettunu preparava a la purcigna
 Pi li nozzi di Teti e d'omu summu
 Chi smovi a tutti fari lu palummu.

Lu malutempu lestu l'apparatu
 Li Dei marini misiru assummari,
 Lu zitu da li venti stuzzicatu
 Grapiu la festa e si misi a ballari.
 Stu ballu fu tanticchia scustumatu,
 Li trona nziragghiavanu a sunari,
 Li lampi, li saitti, e li surruschi
 Sirvianu a lu buffè pri cacciamuschi.

Sfrinati li Nereidi e Trituni,
 D'arca adurnati supra li Delfini,
 Danzannu comu tanti cavalluni
 Rumpevanu a li scogghi li vitrini;
 La stissa Teti sutta lu gruttuni
 Cu Febu allatu si grapiu li rini;
 Vidennula stu Numi assintumari
 Sfrattau la festa e si nni iu a mpaiari.

Comu virmigghia rosa sbuttunata
 Si grapi e si sparpina ntra l'alburi,
 Spuntava la celesti battistrata
 Furiera di lu Numi indoraturi;
 Già la quattrigghia indomita e nfucata
 Trotta e galoppa nmenzu lu splenduri
 Di l'occhiu onniputenti luminari,
 Chi guarda a tutti e nun si fa guardari.

Comu ridetti a tuttu lu creatu
 Stu Numi artista, vita e culuritu,
 Io m'addunavi ch'era già sbarcatu
 Supra na grutta nmenzu d'un cannitu;
 Girannu l'occhiu vitti abbrillantatu
 Un chianu d'erva chi paria un tappitu
 D'aranci e frutti, e vitti d'un traforu
 Lu Panurama di la conca d'oru.

Lu sonnu patri di la stravacanza
 Mi porta nun vulennu ntra li grutti
 Unni li ninficeddi in adunanza
 Stannu cuntenti a travagghiari tutti;
 Cu tessi di curina una valanza,
 Cu forma cartidduzzi pi li frutti,
 Cu ntricia cufineddi di giummara,
 Cu fa corda, cu scupi e cu panara.

Vitti li lavannari ntra lu ciumi
 Sgammati quasi nsina a li viddichi,
 A quattru peri misi pri custumi
 Sciacquati e grassi comu beccafichi.
 Di tuttu tempu ncartanu l'agrumi
 Dintra sta grutta, e metinu li spichi,
 Nmenzu li vigni cunsagrati a Baccu
 Cogghinu rappi e chiantanu summaccu.

Sunatu lu riposu ch'era tardu,
 Lassaru lu travagghiu, e trippiannu
 Comu li calandreddi a sbardu a sbardu,
 Pi li capanni javanu truttannu.
 Sti Nini chi a lu stissu san Binnardu
 La testa ci la stavanu nfrascannu,
 Sti calandreddi stuzzica pitittu
 Su nutricati ad acqua e pani schittu.

Trasutu ntra un crafocchiu a l'ammucciuni
 Vitti na Ninfa nterra stinnicchiata
 Chi placida durmia misa a na gnuni
 A facci all'aria quasi scummigghiata;
 Comu un firettu misu 'a grancicuni,
 Mentri cci mpiccicava na vasata
 Si susi la birbuna e di li vrazza
 Mi sgridda e m'incasedda na lampazza.

Niscennu di la grutta risulenti
 Curri ed acchiana supra d'una rota,
 E misa supra un pedi sta unucenti
 Girava russa comu na carota;
 Sta pazza furba, nmenzu di l'armenti
 Ittava l'oru nterra, e qualchi vota
 Chi l'omini di meritu ncuntrava
 Li spaddi cu disprezzu ci vutava.

Trasu cchiu dintra e nmenzu junchi e crita
 Sutta un ruccuni chi facia pinnata
 Un'ombra vitti senza motu e vita
 Supra d'un quartaruni stinnicchiata;
 L'occhi nfussati, e la sua vuca ardita
 Muvia ntra li mustazzi nrafucchiata,
 Curva tinia la testa veneranna
 Di lippu adorna e pampini di canna.

Niscennu, mi nfilavi ntra 'n jardinu
 Giratu d'un cancellu e d'arvulami,
 Vitti lu sfrazzu d'ogni signurinu
 Cu la sua dama ntra ddi rami rami;
 La maga Armida nchiusi un Paladiuu
 Dintra sta flora puntu di richiami;
 Quannu è addumata di tanti brillanti
 Nun trova asilu qualchi spasimanti.

Nmenzu d'una funtana accuffulatu
 Un Prodi vitti di maturu aspettu,
 Vistutu ad armi bianchi e ncurunatu
 C'un cani ncostu e lu sirpenti mpettu.
 Vidennu un lagu tuttu illuminatu,
 Cridia vidiri, l'occhiu miu imperfettu
 Ntra un gnocu d'acqua e tanti lumi accoru
 Un Giovi trasformatu in pioggia d'oru.

Stu locu di dilizia principali
 L'oltramuntani portanu a li celi,
 Espostu all'acqua azzurra cu lu sali
 L'occhiu si spazzia e scopri tanti veli.
 Ntra quattru cubulini culussali
 Vitti, cchiù duci di li calameli,
 Tanti pupiddi, e mi firmai davanti
 Li putti cu la peddi di barbanti.

Scappu curreunu e passu un currituri
 Cumpostu di sicarri e cunfitteri
 Sparsu di fumu e fetu, e qualchi ciuri
 Si scarpisava nmenzu lu fumeri;
 Si dava ncenzu a lu fintu valuri
 Di tanti lebbri cu li pinnaccheri,
 Ncarrozza l'impostura e l'ignoranza,
 Scialavanu a tutt'uri a crepa panza.

Li cucchi, chi ncuntravi in ogni situ
 'Ngagghiavanu l'oceddi a lu viscatu,
 Lu lussu cunsumava ogni maritu,
 Lu jocu li capanni avia abbruciatu;
 Di li bell'arti lu gustu squisitu
 Mortu cunsuntu vitti vurvicatu,
 Vitti li Musi cu Minerva cara,
 Siduti a fari corda a li scupara.

Riduttu cu la carni e lu battisimu
 Vitti ntra un magasenu di lu Spasimu,
 L'anticu prodi, chi lu francisisimu
 Tagghiau comu tunniua a Sant'Arasimu,
 Pi lu debosciu persi l'eroisimu
 Stu vecchiu patri di l'entusiasimu;
 Ddoppu li sfrazzi e ddoppu l'alligria
 La sditta chianci nni Palagunia.

Ntra stu soggiornu, un tempu d'abbunanza,
 Siduta a pranzu vitti la Furtuna;
 Nmenzu l'aristugratica bardanza
 Mmiscata cu martuzzi e cu crapuna;
 Li Musi e l'Arti d'una retrostanza
 Guardannu di luntanu li vuccuna
 Si ficiru cunsunti, e li mischini
 Sfilaru tutti pri li Cappuccini.

Mentri mi stava afflittu diutra un fossu,
 L'Olimpu manua un ordini prissanti
 Chi mi sfidava affruntari un colossu
 Pi modellari un Giovi da giganti.
 Junta la mia finanza nfina all'ossu,
 Accettu stu duellu senza nguanti:
 Finuti li modelli in competenza
 Si esposiru a la pubblica sentenza.

Si lu concörsu è un maluneddu chiusu,
 Chi cui lu tagghia si trova ngannatu,
 Comu si misurava c'un vavusu,
 Un vecchiu Artista, bravu e rinumatu?
 Basta, fu fattu; e lu giudiziusu
 Cunsigghiu, pri l'esami fu arrinatu,
 Giacchi nnu vomu l'esaminaturi
 Struncari un chiuppu, o scarpisari un ciuri.

Comu la sorti tiniu lu so pranzu,
 Vidennu a lu mio pupu dari ncenza,
 M'afferra pri lu ciuffu, e mansu mansu
 Misi a vulari comu San Vicenzu.
 Mentri vulava un nigghiu d'un sbalanzu
 Vili, birbuni, e nvidiusu immenzu,
 Si jetta ad ali chiusi comu un ventu
 Pri dari un pizzuluni a tradimentu.

Subitu na matrona sbulazzari
 Mi vitti allatu, e pronta mi sustinni,
 Dicennumi, figghiuzzu un ti scantari,
 Ntra li burraschi volanu sti pinni,
 La nvidia è chista lassala abbajari,
 Espostu lu mudellu riditinni,
 L'intelligenza ed jiu cu la mia trumma
 Sempri la virità purtamu nsumma.

Senti; si un puddicinu pri furtuna,
 Accarpa un maccarruni e lu strascina,
 Li so cumpagni tutti a pizzuluna
 Ci su di supra e fannu na ruina.
 Nenti curannu chi ddi maccarruna
 N'hannu davanti na marmitta china,
 La lassanu a li cani, e fannu guerra
 Pi ddu filiddu strascinatu nterra.

Chista è la 'nvidia di stu bruttu nigghiu
 Zinenu nettu a qualunqui travagghiu;
 Nun cogghi, e nun fa cogghiri, e l'artigghiu
 Cerca azzicari a cui cci cari ntagghiu;
 Va nsusu e gnusu comu un carrittigghiu
 Mbrugghiatu sempri comu lu scravagghiu...
 Basta, vatinni, scaccia lu filatu
 Lu piru cari quannu è maturatu.

Dissi sta donna e pri lu celu appizza
 Comu aquila vulannu maistusa,
 Sparsa a lu ventu la sua biuuna trizza
 Mi parsi una cumeta luminusa;
 Nmenzu d'un nuvulatu sta biddizza
 La persi d'occhiu, e prestu a la rinfusa
 Ncucchiavi l'ali, e dissi ntra stu scuru
 È megghiu stari nterra a pani duru.

Sta fama ntra l'Olimpu penetrava
 Guidata e spinta di la sua cuscenza,
 Nuda la virità ci apprisintava
 A cui li trona e fulmini dispensa;
 Giovi pri stu silenziu fulminava
 Vulennu prestu prestu la sintenza,
 E comu San Tumasi pri un sgarrari
 Vosi lu tuttu vidiri e tucari.

E a smaccu di lu nigghiu e d'un chiavatu
 Ch'era di Giovi l'Amministraturi,
 Avenu li modelli esaminatu
 Detti la sua sintenza in miu favuri
 Subitu lu decretu fu firmatu,
 Subitu mi nni detturu sinturi,
 Pri l'alligrizza lu mio gangularu
 M'accumpagnau trimannu a lu pagghiaru.

Comu un ciclopu sutta Muncibbeddu,
 Mi misi lu gran massu a travagghiaru,
 Pri la forza chi avia cchiu d'un viteddu
 La gran figura misi ad assummari.
 Finuta l'opra Nunziu Mureddu
 Lu publicu si misi a pridiru
 Contra la nvidia; e la trummittata
 Di l'impostura vinni smascherata.

Fu tanta la gran fama divampata
D'un populu, d'Artisti e d'amaturi
Pri st'opera, chi fu disgraziata,
Mi ficiru di l'Arti Professuri.
Di stu successu vinni neurunata
La fama di ddu vecchiu precetturi
Chi m'appi sutta, cu n'amuri granni,
Lu saccu sempri di ch'è chinu spanni.

LA N'OTTI

Stancu l'Astru luminari
Di lu cursu ch'avia fattu,
S'ammuzzau lu so ritrattu
Nmenu l'unni e si curcò.

Ntra lu lettu salimastru,
Teti infida si l'abbrazza,
Ntra l'adultera scumazza
La stanchizza cci passò.

Comu già li stissi raggi
Pri sta tresca s'ammucciariu,
Lu pasturi a lu pagghiaru
Cu l'armali si nui va.

Nmenu vausi e cunsarri
Ntra li ddisi e lu ruvettu
Va sunannu un friscalettu
Chi lu sentu e pari cca.

Comu un biancu nuvulatu
La famigghia picurina
Sciinni, e lassa la cullina
Pirchi sulì un cci nne cchiù.

Ntra li macchi e l'arvulami
 L'ocidduzzi su nfrascati,
 Cu li testi cummigghiati
 Sutta l'ali tutti su.

Sula l'acqua a lu vadduni
 Murmura ntra li sdirrubbi,
 Ntra li frascini e carrubbi,
 Arma viva cchiù nun cce.

Ntra li mandri e li capanni
 Sunnu nchiusi l'armaluzzi,
 Misi sparti l'agnidduzzi,
 Senza matri fannu mme.

Ch'è tirannu l'omu ngratu,
 Pi tanticchia cchiù di latti,
 Si l'agneddu chianci e sbatti
 Tutt'a notti un si nni fa.

Da li grutti e li spilunchi
 La gramagghia scatinata
 Nesci, e stenni la frazzata,
 Già la notti eccula cca.

Supra l'ali smisurati
 D'una orrenna taddarita,
 Senza anelitu di vita
 Stinnicchiata s'affacciò.

Nmenu l'urni e li cipressi
 Cunsagrati a li difunti,
 Tinibrusa la sua frunti
 Mostra cchiù l'orruri so.

Cci sustennu un bardacchinu
 Lu silenziu, lu squalluri,
 Lu spaventu e lu terruri,
 Cu cuntegnu e gravità.

L'accumpagna stripitusu
 Supra l'ali di lu ventu,
 D'un jacobbu lu lamentu
 Chi ogni tantu veni e va.

Diplomatica lurdura,
 Fa la curti a sta riggina;
 Lu misfattu e la rapina
 Fannu a gara a ccu po cchiù.

La lupigna razza nfami,
 Ntra li mandri fa maceddu,
 Ogni vurpi fa tineddu
 Ntra li vigni, a frustustù.

Su prutetti da sta larva,
 Li rapaci sfacinnati,
 Ntra li tenebri educati,
 Senza cori e umanità.

Sfurtunatu dd'armaluzzu
 Chi l'adocchia sta cumarca,
 Di Caronti ntra la varca
 Mentri dormi si nni va.

Vitti un nidu di picciuna
 Nmenzu un platanu nfrascatu,
 Lu farchettu sciliratu
 Matri e figghi si pranzò.

Si sbalanza ntra un vadduni,
Comu un fulmini lu nigghiu,
Carpa e sventra ddu cunigghiu
Chi durmia pri fattu so.

Ma precaria è la stragi,
Pocu dura la rapina,
Già la stidda matutina
L'Aurora arrispigghiò.

Va riggina tenibbrusa
Ntra lu pelagu nfirmali,
Già finiu lu carnivali
L'astru Numi riturnò.

SUPRA NA CASSATA

DI SAN CASTRENU

Reverennu Monsignuri
La ringrazia lu sculturi,
Pi da celebri cassata
Chi di ncelu fu calata.
Si fu fatta a Murriali,
Fu na virgini cu l'ali,
Nun fu fragili picciotta
Chi mpastava dda ricotta
Cu du gustu suprafinu
Di vanigghia e gesuminu
Spica, rosa, e caffè Moca
Pruna, nespuli e varcoca,
Cu gran gustu ncilippati
Pri Gravina lu miu Abbati,
La cassata, anticamenti,
Fu la prima seducenti
Sta biddizza di nnuccenza
Fu l'eterna compiacenza,
Quannu detti ciatu e vita
Dintra l'Eden a la crita.
Comu un pumu, sta cassata
Appi Adamu prisintata,
Chi vidennula mischinu
Ntra ddu locu sularinu

Sutta l'arvuli adumbrata
Nmenzu l'erva stinnicchiata,
Comu curri un pisci all'amu
Neugna, tasta e ngaghia Adamu;
Siddu poi prevaricau
Pirchi troppu nni manciau
Cciappi curpa, a stu delittu,
Cui ci smossi lu pitittu.
Fattu Adamu di critazza,
Comu agguanta la sua razza?
A la gula di sti frutti
Patri mio ngagghiamu tutti.

FINE.

1281701723

69211





